

Vischnaunca da Mustér

**Lescha davart la construcziun da
habitaziuns e la migliur dallas
relaziuns da habitar**

1987

- Art. 1 Intent
2 Mesiras
3 Prestaziuns e cundiziuns
4 Ulteriuras cundiziuns
5 Procedura
6 Cuoze e restituziun
7 Vigur

Art. 1

Intent

- La vischnaunca promova el rom
- dalla lescha davart la promoziun da habitaziuns e dalla proprietad dils 4 d'october 1974,
 - dall'ordinaziun tier la lescha davart la promoziun da habitaziuns e proprietad dils 30 da november 1981,
 - dalla lescha davart la construcziun da habitaziuns socialas e la miglior dallas relaziuns da habitar el territori da muntogna dils 10 da mars 1985,
 - dall'ordinaziun tier la lescha davart la construcziun da habitaziuns socialas e la miglior dallas relaziuns da habitar el territori da muntogna dils 5 d'october 1984 sco era
 - sin fundament dallas ordinaziuns executorias tier la lescha davart la construcziun da habitaziuns socialas e la miglior dallas relaziuns da habitar el territori da muntogna dils 2 da december 1985

la construcziun da habitaziuns e la miglior dallas relaziuns da habitar entras contribuziuns a privats, a corporaziuns dil dretg public, a sorprendiders, a fundaziuns ed a corporaziuns communizeivlas per favorisar la construcziun da habitaziuns per famiglias cun mudestas entradas e cun silmeins dus affons, per attempai ni per invalids.

Art. 2

Mesiras

La vischnaunca presta duront silmeins tschun e silpli 10 onns contribuziuns annualas al tscheins dil capital per promover la construcziun da habitaziuns socialas.

Plinavon conceda ella contribuziuns unicas, senza tscheins e che ston buca vegnir restituidas, per migliorar las relaziuns da habitar.

Art. 3

Prestaziuns e cundiziuns

L'altezia dalla contribuziun communal e las cundiziuns sedrezzan suenter las prescripziuns cantunalas e federalas.

Las prestaziuns secumponan da contribuziuns annualas al tscheins dil capital ni da contribuziuns unicas als cuosts totals dall'investiziun.

En cass motivai sa la suprastonza communal augmentar la contribuziun al tscheins dil capital a maximalmein 0,4 %.

Art. 4

Las prestaziuns vegnan dadas mo a persunas naturalas e giuridicas, ch'ei domiciliadas dapi treis onns en vischnaunca. En cass da direzia sa la suprastanza communal far excepziuns.

Ulteriuras
cundiziuns

Art. 5

Las damondas per contribuziuns ein d'inoltrar alla suprastanza communal cun aschuntar ina motivaziun e tuts mussaments necessaris.

Procedura

Art. 6

Las contribuziuns communalas vegnan dadas duront il medem temps sco las contribuziuns cantunalas.

Concernent suspensiun e restituziun da prestaziuns nungustificadas entras midada da diever valan las prescripziuns cantunalas.

Cuoz e restituziun

Art. 7

Acceptau dil pievel ella votaziun all'urna dils 5 d'avrel 1987.

Vigur

Il president communal:
Dr. Dumeni Columberg

Il canzlist communal:
Aldo Tuor